



# Lovtidende A

2025

Udgivet den 30. april 2025

29. april 2025.

Nr. 408.

## Meeqqat pillugit inatsimmik allanngueq pillugu inatsit

(Kalaallit oqaasiinik kulturikkullu pissutsinik immikkut ilisimasalimmik immikkoortortaqarfimmik pilersitsineq, meeqqanut tunngasuni suliassani aalajangersimasuni atorneqartussamik)

UAGUT FREDERIK QULINGAT, Guutip saammaanneratigut Danmarkip Kunngia, nalunaarutigaarput: Folketingip inatsit manna akuersissutigaa, Uagullu akuersinitsigut aalajangersarlugu imaattumik inatsiseqartitsilerpugut:

### § 1

Meeqqat pillugit inatsimmi, inatsimmik nalunaarut nr. 282, 17. marts 2025-imeersoq naapertorlugu, inatsimmi nr. 1703, 30. december 2024-meersumi § 4-kkut allanngortinneqartumi, allannguut una aalajangersarneqarpoq:

#### 1. § 171-ip kingorna ilanngunneqassaaq:

»Immikkoortortaqarfik kalaallit oqaasiinik kulturikkullu pissutsinik immikkut ilisimasalik

§ 171 a. Den nationale videns- og specialrådgivningsorganisation pilersitsissaaq immikkoortortaqarfimmik immikkut kalaallit oqaasiinik kulturikkullu pissutsinik immikkut ilisimasalimmik.

§ 171 b. Kommunalbestyrelsip suliassani meeqqap imaluunniit inuusuttup angelarsimaffiup avataani inissinneqarnissaa eqqarsaatigineqartillugu, aammalu inatsimmi matumani

§ 22, § 23, § 27, § 51, imm. 1, nr. 2, imaluunniit § 67, imm. 4, nr. 3

naapertorlugit imaluunniit inuusuttut pinerluuteqartarnerisa akiorneqarnissaa pillugu inatsimmi § 31, § 32 imaluunniit § 34, imm. 2, nr. 4 naapertorlugit misissuinermit imaluunniit naliliinermit atatillugu meeqqamik, inuusuttumik, angajoqqaanngortussamik imaluunniit angajoqqaatut oqartussaassuseqartumik tarnip pissusaatigut misissuisoqarnissaa imaluunniit naliliisoqarnissaa ilaatillugu, tamannalu nalinginnaasumik tarnip pissusaatigut misissuutitik malitassanik atuisarluni ingerlanneqarsinnaagaluarpat, misissuut taamaattoq atornagu immikkoortortaqarfik kalaallit oqaasiinik kulturikkullu pissutsinik immikkut ilisimasalik § 166 naapertorlugu qulaajaasussanngorlugu qinnuigissavaa. Oqaaseqatigiit siullit suliassanut atorneqassapput, meeraq, inuusuttoq, angajoqqaanngortussaq imaluunniit angajoqqaatut oqartussaassuseqartoq Kalaallit Nunaanni inunngorsimappat imaluunniit peroriatorsimappat, imaluunniit allatigut kalaallit oqaasiinut, kalaallit kulturiannut kalaallilu naleqartitaannut qanimut attuumassuteqartoq nalilerneqarpat.

Oqaaseqatigiit aappaat naapertorlugit naliliinermit, ilaatigut inuk pineqartoq imaluunniit ilaqutariit namminneq attaveqarnertik pillugu nassuiaataat paasinnittaasiallu pingaaruteqartumik ilanngullugit isiginiarneqassapput. Oqaaseqatigiit siullit pingajuallu aamma kommunalbestyrelsip meeqqamik imaluunniit inuusuttumik qitornavissiartaartitsineq pillugu sulianik suliarinninneranut atuutissapput.

Imm. 2. Imm. 1 naapertorlugu qulaajaaneq inerniliinermit eqikkarneqassaaq, kommunalbestyrelsip, Meeqqanut Inuusuttunullu Ataatsimiititaliap imaluunniit Inuusuttut Pinerluuteqartarnerannut Ataatsimiititaliap aalajangiineranut tunngaviusussanut ilaatinneqartussamik.

§ 171 c. Kommunalbestyrelsip immikkoortortaqarfik kalaallit oqaasiinik kulturikkullu pissutsinik immikkut ilisimasalik qinnuigissavaa angerlarsimaffiup avataani inissiinerit ingerlasut, § 171 b naapertorlugu suliarineqarsimanngitsut tamaasa, aammalu inatsit manna § 22, § 23, § 27, § 51, imm. 1, nr. 2, imaluunniit § 67, imm. 4, nr. 3 naapertorlugit, imaluunniit isumaginnikkut sullissineq pillugu inatsimmi, inatsimmik nalunaarut nr. 1089, 16. august 2023-meersoq naapertorlugu, § 50, § 51, § 59, imm. 1, nr. 2, imaluunniit § 68 a, imm. 4, nr. 3 naapertorlugit, imaluunniit inuusuttut pinerluuteqartarnerisa akiorneqarnissaat pillugu inatsimmi § 31, § 32 imaluunniit § 34, imm. 2, nr. 4 naapertorlugit misissuinerut naliliinernullu atatillugu tarnip pissusaanik misissuutinik malitassanik atorneqarsimasunik imaluunniit atorneqarsimasorineqartunik, misissussagaat. 1. pkt. atuutissaaq suliani, taakkunani meeraq, inuusuttoq, angajoqqaanngortussaq imaluunniit angajoqqaatut oqartussaassuseqartoq Kalaallit Nunaanni inunngorsimappat imaluunniit peroriartorsimappat, imaluunniit allatigut kalaallisut oqaaseqarnermut, kalaallit kulturiannut kalaallilu naleqartitaannut qanimut attuumassuteqartoq nalilerneqarpat. Oqaaseqatigiit aappaat naapertorlugit naliliinermit, ilaatigut inuk pineqartoq imaluunniit ilaqutariit namminneq attaveqarnertik pillugu nassuiaataat paasinnittaasi allu pingaaruteqartumik ilanngullugit isiginiarneqassapput.

*Imm. 2.* Immikkoortortaqarfik immikkut ilisimasalik naliliippat tarnip pissusaanik misissuutinik malitassanik atuineq naliliinerup paatsuunganartunngorneranik kinguneqarsimasooq, immikkoortortaqarfiup immikkut ilisimasallip tamanna pillugu naliliineq eqikkagaq suliarissavaa, kommunalbestyrelsip imaluunniit Inuusuttut Pinerluuteqartarnerannut Ataatsimiititaliap suliaq suliareqqinneqassanersoq naliliineranni atugassatut.

*Imm. 3.* Imm. 1 naapertorlugu suliani inatsimmi matumani § 168 aamma isumaginnikkut suliassaqarfimmi inatsisitigut isumannaallisaaneq allaffissornerlu pillugit inatsimmi § 11 d taamaaqataanik atuutissapput.

§ 171 d. §§ 171 b aamma 171 c taamaallaat atorneqassapput, angajoqqaatut oqartussaassuseqartoq, angajoqqaanngortussaq imaluunniit inuusuttoq 15-inik ukioqalereersimasooq akuersisimappat kommunalbestyrelsip immikkoortortaqarfik kalaallisut oqaasilerinermut kulturikkullu pissutsinut immikkut ilisimasalik qinnuigissagaa qulaajaasoqarnissaanik imaluunniit angerlarsimaffiup avataani inissiineq ingerlasooq pillugu suliaq misissorneqassasooq, taamaattoq imm. 2 naapertorlugu.

*Imm. 2.* Kommunalbestyrelsi imm. 1 apeqqutaatinnagu, meeqqap imaluunniit inuusuttup pitsaanerpaamik atugaqarnissaa eqqarsaatigalugu, akuersissummik piumasaqarneq saneqqussinnaavaa.

*Imm. 3.* Isumaginninnermut ineqarnermullu ministeri §§ 171 b aamma 171 c naapertorlugit sulianik suliarinnittarneq pillugu, aammalu kalaallit oqaasiinut kulturikkullu pissutsinut tunngasunik immikkut ilisimasalimmik immikkoortortaqarfiup inuttaqartinneqarnera il.il. pillugu erseqqinnerusunik malittarisassanik aalajangersaasinnaavoq, matumani immikkoortortaqarfiup kulturit assigiinngitsut akornanni tarnip pissusaanut, kalaallillu oqaasiinut kulturiannullu il.il. tunngatillugu ilisimasaqarnissaanut piginnaasaqarnissaanullu piumasaqaatit ilanngullugit.

Nuna Tamakkerlugu Ilisimasaqarfimmit  
Immikkullu Siunnersuisarfimmit immikkut  
siunnersuisarnermut il.il. ornigunnernut utimullu  
pisariaqavissumik angalanermut  
taarsiissuteqartarneq«.

**§ 2**

Inatsit atuutilissaaq 1. maj 2025.

Nummi, Kalaallit Nunaanni, 29. april

2025 tunniunneqarpoq

Kunngisut atsiorpugut naqissusiillutalu

FREDERIK R.

/ Sophie Hæstorp Andersen